



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

§. 2. Generalis quædam Circumstantiarum expositio.

urn:nbn:de:hbz:466:1-37144

§. II.

Generalis quadam circumstantiarum expositio.

36. Notitiam circumstantiarum ad expediendam & facilitandam Confessionem necessariam esse, constat tum ex eo, quod inde innumeris & ad praxin valde utiles casus resolvi queant: tum ex Cap. Consideret. i. de Panit. Diff. 5. & cap. auſfacta. 19. ibid. diff. i. ex Cap. Omnis utrinque depenit. & remiss. & ex cap. sicut dignum. de homicidio: & demum ex Trident. Concil. ſeff. 14. c. 5. & can. 7. ubi exprefſe decernitur, circumstantias ſpeciem mutantibꝫ, ſpecialiter eſſe explicandas in confessione: quod euidem, quis faciet, ſi neſciat, quānam ſint hæ circumſtantiaꝫ. Qua de cauſa idem Concilium diēto cap. 5. tanquam à ratione alienum meritò reprehendit, quod aliqui imprudenter dixerint, easdem circumſtantias ab hominibus otiosis excogitatas eſſe. Jam ad ſingulas deſcendamus.

De circumſtantia quis?

37. Denotat hæc qualitatem ſeu conditionem perfonæ non conſitentis ſed peccantis: ſiquidem ratio habenda non eſt perfonæ, qualis nimurum ea ſit, quando conſitetur, ſed qualis fuerit, quando peccatum admisit: id quod universim notandum eſt pro omnibus aliis circumſtantiaꝫ, quæ quidem non ſunt atten- dæ, nec explicandæ ſecundūm praefen- tem conſitentis ſtatum, ſed ſecundūm ſtatum, quem habebat prenitens, quando peccavit. Hujusmodi autem qualitatem ſeu conditions, in perfonā peccan- te conſiderandæ, ſunt, eſſe ſacram, ſeu

profanam; matrimonio aut voto ligataꝫ, vel iisdem ſolutam; confanguinitate vel affinitate junctam in hoc vel illo gradu; conſtitutam in regime vel officio; aut ſpeciali adſtrictam lege, vi cuius ad aliquid agendum, impediendum, vel evitandum teneatur. Præter has circumſtantias ſunt adhuc aliae nonnullæ, quæ ſe tenent ex parte conſitentis, ſeu potius peccantis. Prima eſt in ordine ad copulam carnalem, videlicet, ſi ad eam exercendam ſit impotens, vel ſponsalia cum una contraxerit, poſtea verò fornicietur cum alia. Secunda eſt dignitas ope- rantis, ut ſi peccans eft Epifcopus, Prælatus &c. Tertia eſt ignorantia vel error, an ſcilec̄t, qui peccavit, laborat errore vel ignorantia vincibili & mortaliter cul- pabilis, vel invincibili ſeu inculpabili. Quarta eſt conſuetudo, an videlicet pec- cati, quod quis committit, habeat in- teratam conſuetudinem vel non. Quinta eſt virginitas, an, qui contra castitatem peccavit, ſit vel non ſit virgo.

De circumſtantia quid?

38. Ad hanc circumſtantiam multa pertainent, quæ ad tria ferè capita reduci poſſunt, quorum Primum eft de iis, quæ ſe tenent ex parte rei volitæ; Alterum de iis, quæ ſe tenent ex parte perfonæ, ad quam peccatum terminatur: quæ circumſtantia à Theologis cum Cicerone appellari ſolet *Circa quid*. Tertium eft de effectu ſecuto ex peccato, quod eft etiam aliquo modo objectum volitum: de qui- bus ſingillatim agendum. Et quidem

39. Quodadea, quæ ad primum ca- put ſpectant, attinet, multa ſub eo com- prehendantur, quæ ad parandam confeſſionem

Honem & ejus praxim scitu sunt necessaria. Et imprimis ad hanc circumstantiam pertinet non ipsa rei substantia physica, sed sola illius qualitas seu conditio, an nimur res malè concupita sit sacra vel profana: ad furtum enim v.g. parvum refert, si ne res ablata aurea vel argentea, ærea vel lignea: at verò sacram eam esse, plurimum lanè refert, ut videbimus. II. ad eandem circumstantiam pertinere videtur quantitas obiecti, si ne illud magnum vel parvum, v.g. an mille vel decem a reos furto sublegeris. III. ad eandem circumstantiam reduci posset quantitas ipsius peccati secundum durationem successivam: an videlicet in actu malo perseveraveris per horam vel diutius, vel etiam non tamdiu. Sed de hoc commodiùs infra dicemus, agentes de multiplicatione peccatorum: si enim duratio peccati explicanda est, ad hoc potissimum explicari debet, ut constet aliquo modo multiplicatio peccatorum, quæ illo tempore fieri potuerunt. IV. ad eandem circumstantiam pertinet diversitas præceptorum circa unam eandemque rem: sæpe enim contingit, ut una eandemque res diversis præceptis imponatur, aut à diversis legislatoribus. quod accidit v.g. si festum alicujus sancti incidat in diem dominicum, vel vigilia alicujus Apostoli in quadragesimam, aut quatuor tempora.

40. Ad II. caput ejusdem circumstantiae, quod spectat, considerandum est, an persona, circa quam peccasti, sit Deo sacra per votum, vel profana matrimonio ligata, vel soluta, sanguine vel affinitate juncta &c. v.g. an is, quem percussisti, fuerit Clericus, vel laicus; an parentis tuus, vel alias extraneus, cuius

famam vel honorem detractione, aut contumeliam lessisti. Est enim talis persona pars materiae illius peccati, & ideo merito sub hac circumstantia continetur. Ut ergo qualitas operis cognoscatur, attendendum est ad qualitatem seu conditionem ipsius personæ, ad quam peccatum terminatur, ut supra n. 37. in prima circumstantia. Huc spectat, an persona, cum qua peccatur, sit spiritualis filius vel filia ipsius Confessoris, quæ denominatio ex eo oritur, quod quis alterius confessio-nes pro sacro tribunali exceperit.

41. Tertium ex iis, quæ supra n. 38. dixi, pertinere posse ad hanc circumstantiam quid, est effetus ex ipsa personæ peccantis operatione fecutus. Pro quo melius intelligendo oportet breviter adnotare, in peccato v.g. quo alium veneno occidisti, intervenire in primis internum voluntatis actum, quo decrevisti illi dare venenum; deinde actionem externam, quam vi prioris voluntatis exerceuisti, & venenum præparasti, & porrexisti: ac denique effectum ipsum, vide-licet mortem illius, cui venenum propinasti. Questio nunc est, an in con-fessione satisfacias, dicendo, te venenum lethale alteri porrexisse; an verò necesse sit addere, quod veneno porrecto illum occideris. Hanc questionem in fra p. 5. n. 67. resolvimus, & pœnitentem ab onere confitendi talem effectum absolvimus.

De circumstantia Ubi?

42. Denotat hæc locum secundum quandam suam qualitatem, aliquid con-ferentem ad malitiam actus humani, seu profecti à libera voluntate; cujasmodi

B 3 qualitas

qualitas est, quod locus sit sacer, vel profanus, publicus vel non.

De circumstantia Quibus auxiliis?

43. Significat hæc partim instrumenta propriè dicta, quibus homo ad peccandum utitur, ut sunt gladius, sclopétum, aut alia arma, quibus ad homicidium committendum uteris: partim media (sive deinde ea sive res sacræ, ut Sacramenta, reliquiae Sanctorum &c. sive non, sive etiam alias jam vetitæ, sive non) quibus ad intenti finis consecutionem uteris, ut, si furetis ad faciendam eleemosynam; mentiaris ad tuam vel alienam vitam conservandam; ores, confitearis ad captandam vanam gloriam; rem sacram adhibeas ad homicidium, vel quocunque aliud peccatum perpetrandum &c. Ad hanc circumstantiam pertinet auxilium & interventus aliarum rerum animatarum, præcipue hominum, quorum operam ad finem malum quæsivisti, eoque proinde ad operis societatem, vel jussu, vel suasu, vel consilio sollicitasti.

De circumstantia Cur?

44. Huc propriè loquendo non spectant aliae peccatorum causæ, sed sola finalis, quæ ex parte intellectus moverit, & suggerit rationem seu motivum, quo possumus respondere interroganti, cur hoc aut illud fecerimus. Nomine autem hoc non intelligitur finis intrinsecus, ipsius operis, sed extrinsecus, id est, is, in quem actus seu opus refertur non ex se, sed ex intentione ipsius operantis: quisque enim ex suo arbitrio potest sibi sui operis alium finem præstituere, præter illum, qui in

ipso opere reperitur: ut, si deteleemosynam, non tantum quia alienam miseriam sublevat (qui est ipsius operis intrinsecus finis) sed propter vanam gloriam: hic enim finis extrinsecus est respectu eleemosynæ, utpote cui nimis accidentale est, ad hunc vel illum finem ab operante referri. sic enim furti finis potest esse ebrietas, cum quis nimis furatur, ut inebriari possit: nec enim furtum aliter ordinatur ad ebrietatem, quam quia per illud hanc aliquis intendit. Similiter studium vellitus finis esse potest omissionis sacri, ex precepto audiendi; cum nempe quis omittit sacrum, ut studiis vel lusui operam dare queat; non enim omissionis ista ad studium refertur, nisi ex ipsius operantis voluntate. Sic ex intentione quandóque etiam ipsa sacri auditio, cum ad finem malum ordinatur, v.g. ut turpi alloquio vel aspectu frui, quis possit, viatatur.

De circumstantia Quomodo?

45. Significat hæc modum operis, non substantiale, qui videlicet ad substantiam actionis aliqua ex parte spectat, qualis est violentia, sed accidentalem tantum, seu cum actu ipso per se non coniunctum. Huc spectat intensio aut remissio actus; item an ex scientia, vel malitia, an ex ignorantia vel passione metu vel dolo, clam vel aperte aliquid fiat. Ad eundem peccandi modum spectat etiam, an quis peccarit ex confuetudine: an dum exercuit actu turpem, ac venereum gestaverit reliquias Sanctorum ex collosuspenas, &c.

De

De Circumstantia Quando?

46. Significat hæc tempus; quo nomine intelligitur vel ipsa cujusque rei mora seu duratio, vel tempus, quod Philosophi vocant extinsecum, estque mensura actionum humanarum, seu id, in quo humanæ actiones sunt. Hoc autem considerandum est secundum quandam suam qualitatem, similem qualitatí, quam in loco servandam esse dixi n. 42. videlicet, quod festum & sacrum sit, feriatum & profanum, nocturnum vel diurnum, ante-vel pomeridianum, dies veneris aut sabbati &c.

47. Porrò ex prædictis circumstantiis possunt uni alicui actui una vel plures, præsertim finales accedere: v. g. potest quis furari, ut possit fornicari, inebriari, conducere alium ad homicidium &c. Ratio hujus desumi potest ex ipsa voluntate: cum enim ea ad unum non sit determinata, pro sua, quā pollet, libertate potest supposita actus deformitate ex malo motivo ulterius progredi, & aliam, ut in exemplo allato patet, malitiam præstare ratione alterius circumstantiæ. Et sic idem actus erit in duplice, triplice &c. specie morali, & duplex, triplex &c. peccatum. Idem est de actu virtutis.

48. Ad hæc inter easdem circumstantias magna est differentia. Aliæ enim vocantur *impertinentes*, quæ nimisrum speciem aut gravitatem actus nec augent, nec minuant, multò minus mutant; & idcirco etiam ad variandam moralem estimationem nihil faciunt. Quales sunt furari die vel noctu, aurum vel argentum; percutere dexterâ aut sinistrâ, fer-

to velligno; detrahere manè vel vesperi; mentiri die Martis vel Veneris. In his enim & similibus nihil peculiariter consideratione dignum cernitur. Aliæ sunt, quæ speciem actus, cui accidentunt, omnino mutant, seu potius, quæ unius speciei (quæ in actu humano reperitur, ac supponitur) superaddunt novam aliam speciem, ita ut in tali actu jam sit duplex malitia, quarum una ab altera specie morali differat. Aliæ sunt, quæ actioni humanæ nullam quidem novam malitiam, specie distinctionem, adferunt; sed eam, quæ actui propria est, solùm aggravant, idque magis vel minus notabiliter; ita, ut quod in le est peccatum magnum seu grave & mortale, fiat maius, vel maximum. Sic furtum intra suam speciem crescit, crescente quantitate rei ablatae. Gravissimum est, furari decem aureos, quamvis nullum. Sic peccatum commissum ab Episcopo, Prælato, Religioso, Clerico &c. maius est illo, quod committit in simili dignitatis gradu non constitutus, quantumvis alioqui utriusque peccatum sit ejusdem speciei. sic qui actu valde intensi v.g. odii alium prosequitur, plus peccat, quamvis, cuius odium est valde debile aut remissum. Aliæ sunt, quæ malitiam actus minuant; quod potest fieri dupliciter: primò ita, ut ex peccato, quod seclusa tali circumstantia esset mortale, vel omnino nullum sit peccatum, vel solùm veniale. secundo ita, ut maneat quidem in sua specie idem, minori tamen culpæ seu virtio alicui detur. sic qui metu alicujus mali impendit ad furtum committendum impellitur, minus peccat, quamvis, qui nullo metu adactus furatur: ratione enim metus furtum non est omnino

omnino voluntarium, sed aliquo modo involuntarium. Aliæ denique circumstantiæ sunt, quæ *transcendentales* appellantur, & sunt illæ, quæ in quovis peccato, saltem mortali includuntur: cuiusmodi sunt, esse DEO ingratum, inobedientem, irreligiosum; contemptus item aut vilipendio divinæ Majestatis &c. quodcunque enim peccatum committas, Deo ut summo tuo benefactori ingratum te exhibes; eidem, ut supremo legislatori, prohibenti omne etiam levissimum delictum, non obtemperas; eundem etiam vilipendis, vel minoris, quam deceat & oporteat, estimas &c.

49. Ut autem exactius cognoscas, quando circumstantia mutet speciem actus, vel intra eandem speciem tantum aggravet malitiam ejusdem actus, hanc accipe Regulam. Si circumstantia sit contra speciem aliquam virtutem sub præcepto obligantem, & specie distinctam ab ea, contra quam est actus substantia, mutat speciem, seu malitiæ jam ante in actu reperta dat novam speciem: si vero circumstantia non habeat talem repugnantiam, tunc non mutat speciem, sed solum aggrat, hoc est, facit, ut peccatum in sua specie jam perfectè constitutum fiat gravius: in quo tamen ipso excessu intra eandem speciem est nonnullum discrimen: quandoque enim is excessus est valde notabilis, quandoque vero non est. Haec Regula, ut bene intelligatur, exemplo potest illustrari. Igitur auferre rem alienam invito rationabiliter dominio, præcisè simplex est furum contra iustitiam, si ea res sit profana: at vero si sit sacra, jam accedit nova malitia specie distincta propter ejus circu-

stantiam, ratione cujus ea rei alienæ surrepicio opponitur novæ virtuti specie distinctæ, nimirum Religioni, & consequenter præter malitiam iustitiae continet etiam malitiam factilegii. At verò furum decem aureorum non differt specie à furto unius aurei: non enim major ille excessus quantitatis in furto facit, ut ablatio rei alienæ alteri cuiquam virtuti repugnet, quam illi ipsi, cui opponitur ablatio rei alienæ in minori quantitate, nimirum soli iustitiae.

§. III.

Quænam circumstantie in particulari mutent speciem actus?

Ex regula priori numero traditâ eti facilè definiri possit, quænam ex se ptem illis vulgaris circumstantiis, & quando mutent malitiæ speciem, vel non: pro majori tamen explicacione & intelligentia rursus singulas percurramus, & quæ generatim diximus, speciatim ostendamus. Igitur

Circumstantia Quis?

50. Tribuit novam malitiæ speciem, si persona, quæ peccat, sit voto, jumento, aut matrimonii vel sponsalium vinculo ligata, vel sanguine juncta, vel ex officio aut speciali aliqua lege ad aliquid agendum teneatur. Ceterum I. repetitio ejusdem voti, eti peccatum quod contra ipsum committitur, aggrat, nullam tamen illi differentiam specificam addit. Idem est de jumento, si circa eandem rem sibi repetatur; aut de præcepto ab eodem superiore circa unam eandemque rem sibi iterato:

qua-